

Nezir Kazić, dipl. inž. geod.



Nezir Kazić rođen je 1934. godine u Borikama kod Rogatice. Pohađao je Osnovnu školu, malu maturu u Partizanskoj gimnaziji od 1943. do 1947. godine u Sarajevu, a Geodetsku srednju tehničku školu (GSTŠ) u Sarajevu od 1947. do 1952. godine. Od 1943. godine do završetka GSTŠ bio je kao ratno siroče smješten u Đački dom Mladen Stojanović u Sarajevu. Državni ispit je položio 20.04.1956. godine i dobio stručni naziv geometar. Od rane mladosti bio je član komunističke partije. Po završetku GSTŠ Geodetska uprava BiH ga je postavila za šefa Sekcije za premjer u Tuzli. Na Višoj Geodetskoj školi u Sarajevu vanredno je studirao u Sarajevu od 1961. do 1964. godine i dobio stručno zvanje geodetskog inženjera. Na Geodetskom fakultetu Sveučilišta u Zagrebu je također vanredno studirao u Zagrebu.

Nakon ukidanja Sekcije za premjer u Tuzli, postaje tehnički direktor Geodetskog zavoda u Sarajevu, potom šef Katastra u Općini Novo Sarajevo i formiranjem Zavoda za izgradnju grada Sarajeva 01.09.1975. godine izabran je za direktora Sektora za katastar komunalnih uređaja, do ranog penzionisanja iz zdravstvenih razloga. Smatra jednim od najboljih organizatora geodetskih poslova. Zahvaljujući njegovom izboru za direktora Sektora za katastar komunalnih uređaja, uz pomoć prvog Međunarodnog ekološkog kredita Sarajeva, 1975. god. kao najzagađenijeg grada u Evropi, zasigurno je Kazić najzaslužniji za uspješnu izradu Katastra, kao jedinstvenog u cijeloj SFRJ. Za svoj pregalački rad Zavod za izgradnju grada Sarajeva odlikovao ga je kao prvog Ordenom za rad sa srebrenim vijencem.

Tokom ratnih dešavanja u BiH, dana 22.06.1994. godine sa suprugom Seidom otišao je kod kćerke i sina u Sydney -Australija. Umro je 15.04.2015. godine u Sydneyju, gdje je i sahranjen.

Alija Dolovac